



**AYUDES D'ESTÁU DE MINIMIS**

*Gonzalo Riesgo Fernández*

*Pablo de Miguel Palacio*

*Oficina d'Asuntos Europeos del Principáu d'Asturies*

## Índiz

1. Reglamentu 1407/2013 tocante a les ayudes *de minimis*
  - a) Ámbitu d'aplicación
  - b) Les ayudes *de minimis*
  - c) Tresporencia de les ayudes
  - d) Obligaciones específiques de control
2. Reglamentu 1408/2013 tocante a les ayudes *de minimis* nel sector agrícola
  - a) Ámbitu d'aplicación
  - b) Les ayudes *de minimis* nel sector agrícola
3. Reglamentu 717/2014 tocante a les ayudes *de minimis* nel sector de la pesca y l'acuicultura
  - a) Ámbitu d'aplicación
  - b) Les ayudes *de minimis* nel sector de la pesca y l'acuicultura

## 1. Reglamentu 1407/2013 tocante a les ayudes de *minimis*<sup>1</sup>

Les midíes estatales que, de resultes del art. 107 TFUE, se consideren ayudes d'estáu van sometese al deber de comunicación ordinaria a la Comisión europea del art. 108.3 TFUE. Sicasí, l'art. 108.4 TFUE dexa que s'escluyan del deber de notificación dalgunes categoríes d'ayudes cola aprobación pola Comisión de Reglamentos. Ún de los más importantes d'esa clas ye'l Reglamentu 1407/2013, onde'l criteriu d'exención pal deber de notificación, recoyíu n'art. 3.1, va ser la cantidá de l'ayuda.

**“Ayudes de *minimis*”: Ayudes d'estáu que, por nun superar los topes del Reglamentu nun plazu determináu de tiempu, nun van tar sometíes a l'aplicación del art. 107 TFUE y el deber de la so notificación**

Esti Reglamentu ha aplicase en combinación colos otros dos específicos en materia de pesca y acuicultura y el sector agrícola, que van fixar dellos topes máximos d'ayudes.<sup>2</sup>

De manera xeneral, l'art. 288 del TFUE establez que los reglamentos son normes con algame xeneral qu'obliguen a toos y gocien d'eficacia directa nos Estaos miembros. Esta disposición siempre ha tenese en cuenta al tiempu d'aplicar los Reglamentos *de minimis*.

### a) Ámbitu d'aplicación

L'art. 1 del Reglamentu establez una partida de supuestos onde nun va ser d'aplicación:

- «A les empreses qu'operen nos sectores de la pesca y l'acuicultura, porque nestos sectores opera'l so Reglamentu propiu (Reglamentu 717/2017).
- A les empreses dedicaes a la producción primaria de productos agrícolas, siendo d'aplicación el so Reglamentu propiu (Reglamentu 1408/2013).
- Empreses qu'operen nel sector de la tresformación y comercialización de productos agrícolas, en dalgún d'estos casos:
  - I) Cuando l'importe de l'ayuda se determine a tenor del preciu o de la cantidá de productos d'esta clas adquiríos a productores primarios o comercializaos poles empreses interesaes.
  - II) Cuando l'ayuda tea supeditada a qu'una parte o toa ella repercuta nos productores primarios.

<sup>1</sup> Reglamentu (UE) n.º 1407/2013 de la Comisión, de 18 d'avientu del 2013, tocante a l'aplicación de los artículos 107 y 108 del Tratáu de Funcionamientu de la Unión Europea a les ayudes *de minimis*. (DOUE L 352, de 24 d'avientu del 2013). Enllaz a la disposición: <https://eur-lex.europa.eu/legal-content/ES/TXT/?uri=celex%3A32013R1407>

<sup>2</sup> Reglamentu (UE) de la Comisión 1408/2013, de 18 d'avientu del 2013, tocante a l'aplicación de los artículos 107 y 108 del TFUE a les ayudes *de minimis* nel sector agrícola y Reglamentu (UE) n.º 717/2014 de la Comisión, de 27 de xunu de 2014, tocante a l'aplicación de los artículos 107 y 108 del TFUE a les ayudes *de minimis* nel sector de la pesca y l'acuicultura.

- *Les ayudes a actividaes relacionaes cola esportación a terceros países o Estaos miembros*
- *Les ayudes condicionaes al usu de productos nacionales en cuenta d'importaos.*

*Nos casos onde la entidá beneficiaria desenvuelva actividaes económicques en sectores que tán dientro y fuera del ámbitu d'aplicación, el réxime d'ayudes de minimis namás va aplicase si l'Estáu garantiza que s'estreme ente actividaes y costos amparaos y non amparaos pol Reglamentu».*

**Si de la que se diseña un réxime d'ayudes se prevé que dalguna pueda acoyese a dalgún de los Reglamentos especiales *de minimis* (1408/2013 o 717/2014) y non solo al Reglamentu 1407/2013, tamién va facese referencia espresa a estos Reglamentos y la so publicación nel DOUE. Si se quier escluyir l'aplicación de dalgún d'ellos, esto ha indicase espresamente.**

Otramiente, ha tenese en cuenta'l Reglamentu de la Comisión 360/2012<sup>3</sup> tocante a les ayudes *de minimis* concedíes a empreses qu'ufierten Servicios d'Interés Económicu Xeneral (SIEX). Esti Reglamentu 360/2012 recueye un ámbitu d'aplicación bien distintu al de los demás Reglamentos *de minimis*, porque ta empobináu a les actividaes económicques d'entidaes qu'ufierten Servicios d'Interés Económicu Xeneral. Amás, esti Reglamentu establez un tope máximu d'ayudes significativamente superior al del Reglamentu 1407/2013.

### b) Les ayudes *de minimis*

**Van poder considerase ayudes *de minimis* aquelles que'l so importe total a una única empresa nun supere los 200.000 € nun periodu de trés exercicios fiscales (art. 3.2)**

Escepción al respective del tresporte de mercancíes: l'artículo 3.2 señala tamién que les ayudes concedíes a una única empresa que faiga por cuenta ayena operaciones de tresporte de mercancíes per carretera namás van considerase *de minimis* si nun superen la cifra de 100.000 € en trés años y nun van poder usase pa l'adquisición de vehículos de tresporte per carretera.

L'apartáu 4 del artículo terceru establez que, con independencia de la fecha de pagu de l'ayuda y cola mira de computar la cantidá total de les ayudes a lo llargo de los trés exercicios fiscales, l'ayuda va considerase concedida namás que se reconozca a la empresa'l derechu legal a recibila.

<sup>3</sup> Reglamentu 360/2012 de la Comisión, de 25 d'abril del 2012, tocante a l'aplicación de los artículos 107 y 108 del Tratáu de Funcionamientu de la Unión Europea a les ayudes *de minimis* concedíes a empreses qu'ufierten Servicios d'Interés Económicu Xeneral (DOUE L 114, de 26 d'abril del 2012). Enllaz a la disposición: <https://eur-lex.europa.eu/legal-content/ES/TXT/?uri=CELEX%3A32012R0360>. El periodu de validez d'esti Reglamentu prorrogóse hasta'l 31 d'avientu del 2018 pol Reglamentu (UE) 2018/1923 de la Comisión de 7 d'avientu del 2018 (DOUE L 313, de 10 d'avientu del 2018).

**Los topes máximos de 200.000 € y 100.000 € van respetase siempre, independientemente del oxetu, forma o financiamentu de l'ayuda, si se quier aplicar la exención de notificación (art. 3.5 del Reglamentu)**

Los apartaos 6 y 7 del artículo 3 indiquen que les ayudes nueves que supongan una superación de los topes establecíos nun van poder acoyese al Reglamentu y, otramiente, que les ayudes han espresase n'efectivo y en cifras brutes, quier dicise, primero de la deducción d'impuestos o cargues.

D'alguerdu col aparatáu 8 del artículo 3, les ayudes concedíes enantes a empresas que se fusionen o adquieran ente elles han tenese en cuenta pa determinar si'l total respeta la cantidá tope d'ayudes *de minimis*. En casu de separación d'entidaes, l'apartáu 9 determina que les ayudes concedíes hasta entós van imputase separadamente a caúna de les entidaes nueves a tenor de l'actividá oxetu de l'ayuda y quién la asumió.

### c) Tresparencia de les ayudes

D'alguerdu col art. 4, les ayudes d'estáu que se beneficien del Reglamentu *de minimis* han ser "tresparentes".

**Van considerase tresparentes les ayudes con una cantidá bruta que seya determinable previamente y con precisión, ensin que seya menester facer un análisis del riesgu (art. 4)**

- L'apartáu 2 del artículo 4 establez qu'una ayuda consistente nun empréstanu va considerase tresparente si'l beneficiariu nun s'atopa incursu nun procedimientu d'insolvencia y a) se calculó l'equivalente de subvención brutu (importe previu a la deducción de cargues) sobre la base de los tipos d'interés de mercáu aplicables al tiempu de conceder l'ayuda o b) existe dalguna d'estes garantías<sup>4</sup>:

Cantidá del empréstanu	Duración del empréstanu	Garantía sobre la cantidá
1.000.000 €	5 años	≥ 50 %
500.000 €	10 años	

Nel casu d'entidaes que faen operaciones de tresporte de mercancíes per carretera, les cantidaes van rebaxase a 500.000 € y 250.000 € respectivamente.

Los empréstanos con cantidaes o duraciones que seyan inferiores a les anteriores van tenese en consideranza en cuanto al so equivalente de subvención bruta cola mira de nun superar el tope de 200.000 € nun periodu de trés exercicios.

<sup>4</sup> Fonte de la tabla: elaboración propia.

Les aportaciones de capital namás van considerase trespresentes si la cantidá total de l'aportación pública nun sobrepasa'l tope máximu *de minimis*. Esto tamién resulta d'aplicación a midíes de financiamientu de riesgos que garren la forma d'inversión de capital (arts. 4.4 y 4.5 del Reglamentu)

- D'alguerdu col art. 4.6, una ayuda consistente nuna garantía va considerase trespresente si'l beneficiariu nun ta incursu nun procedimientu d'insolvencia y la garantía respeta estos topes<sup>5</sup>:

Importe concretu garantizáu	Duración de la garantía	% máximu tope a garantizar del empréstanu soxacente
1.500.000 €	5 años	80 %
750.000 €	10 años	

Nel casu d'entidaes que desenvuelven operaciones de tresporte de mercancíes per carretera, les cantidaes concretes garantizaes van rebaxase a 750.000 € y 375.000 € respectivamente.

Les garantías con cantidaes garantizaes o duraciones que seyan inferiores a les anteriores van tenese en consideranza en cuanto al so equivalente de subvención bruta cola mira de nun superar el tope de 200.000 € en trés exercicios.

#### d) Obligaciones específiques de control

L'artículo 6 del Reglamentu recueye una partida de previsiones al respective del control que se va exercitar pa garantizar el respetu a les disposiciones del mesmu. D'esti artículo deriven una serie d'obligaciones pa los xestores qu'han tenese en cuenta en dos fases distintes del control.

- Control *ex-ante*:

Los trés primeros apartaos del artículo 6 señalen les obligaciones qu'han cumplise de manera previa a la concesión de l'ayuda:

- L'Alministración que conceda una ayuda ha informar a la entidá beneficiaria per escrito de la cantidá prevista de l'ayuda (espresada como'l so equivalente de subvención bruta) y del so calter *de minimis*, haciendo referencia espresa a esti Reglamentu y citando'l so títulu y la referencia de la so publicación nel Diariu Oficial de la Unión Europea (DOUE)<sup>6</sup>.

Les referencies al Reglamentu y la so publicación han incluyise en tou actu, resolución o notificación relativos a l'ayuda

<sup>5</sup> vid. nota anterior

<sup>6</sup> Referencia de la so publicación nel Diariu Oficial de la UE: (DOUE L 352, 24 d'avientu del 2013).

- L'Alministración que conceda l'ayuda tien que comprobar el rexistru central de datos de concesión d'ayudes *de minimis*<sup>7</sup> suxetes al Reglamentu 1407/2013 pa confirmar que toles ayudes *de minimis* concedíes a la entidá beneficiaria nun superen el tope de los 200.000 € nos trés últimos exercicios fiscales.

**Pa facer el cálculu total de les ayudes daes a una entidá y comprobar que nun superen los 200.000 € han tenese en cuenta les ayudes concedíes por toles Alministraciones del Estáu miembru**

- Control *ex-post*:

Los apartaos 4 y 5 del artículu sestu contienen les obligaciones que se van tener que cumplir pa encarar el posible control de la Comisión depués de concedese l'ayuda:

- Les Alministraciones que concedan l'ayuda han rexistrar y recopilar tola información tocante a l'aplicación del Reglamentu y los xustificantes del cumplimientu de les condiciones.

**La documentación relativo a les ayudes concedíes ha caltenese a lo llargo d'un periodu de 10 exercicios fiscales dende la fecha de concesión de la última ayuda**

- El deber de caltenimientu nun abarca namás les factures que xustifiquen los costos subvencionables, sinón tola documentación relativo a l'aplicación d'esti Reglamentu (xustificantes del calter de PYME de la beneficiaria, de la tresporencia de l'ayuda, resoluciones de concesión de les ayudes, etc.)
- Les solicitúes d'información per escrito de la Comisión europea relatives a les ayudes concedíes, al cumplimientu de los requisitos de los Reglamentos *de minimis* y a la determinación de la cantidá de les ayudes concedíes han contestase nel plazu de 20 díes hábiles.

## **2. Reglamentu 1408/2013 tocante a les ayudes *de minimis* nel sector agrícola<sup>8</sup>**

El Reglamentu d'ayudes *de minimis* nel sector agrícola comparte munchos elementos col Reglamentu xeneral 1407/2013; por eso, equí namás vamos facer referencia a les cuestiones de más relevancia.

### **a) Ámbitu d'aplicación**

L'art. 1 del Reglamentu establez que va ser d'aplicación a les ayudes concedíes a les empreses dedicaes a la producción primaria de productos agrícolas (distintes de les

<sup>7</sup> Base de Datos Nacional de Subvenciones: <http://www.infosubvenciones.es/bdnstrans/GE/es/index>

dedicaes a la tresformación y la comercialización de productos agrícolas que s'incluyen nel Reglamentu 1407/2013)<sup>9</sup>. D'esa aplicación van escluyise:

- «Les ayudes que'l so importe se fixe sobre la base del preciu o la cantidá de los productos comercializaos.
- Les ayudes a actividaes rellacionaes cola esportación, en concreto les lligaes a les cantidaes esportaes, al establecimientu y la esplotación d'una rede de distribución o a otros gastos de l'actividá esportadora.
- Les ayudes condicionaes al usu de productos nacionales en cuenta d'importaos.»

En casu de que la entidá beneficiaria desenvuelva actividaes económicques en sectores que tán dientro de los ámbitos d'aplicación de los Reglamentos 1407/2013 y 1408/2013, el réxime d'ayudes *de minimis* del 1407/2013 namás va aplicase a la parte d'actividaes que garra'l so ámbitu d'actuación si l'Estáu garantiza la distinción ente actividaes y costos amparaos y non amparaos por esi Reglamentu y ésti en materia agrícola. Igualmente, esto va asoceder cuando actividaes amparaes pol Reglamentu 1408/2013 coincidan con otres cubiertes pol Reglamentu 717/2014 referíu al sector de la pesca y l'acuicultura.

### b) Les ayudes *de minimis* nel sector agrícola<sup>10</sup>

**Van considerase ayudes *de minimis* nel sector agrícola aquelles que'l so importe total a una única empresa nun supere los 20.000 € nun periodu de trés exercicios fiscales (art. 3.2 del Reglamentu)**

L'art. 3.3 del Reglamentu establez como tope máximu que la suma de les ayudes *de minimis* concedíes a empreses actives de producción primaria de productos agrícolas en toa España pol conxuntu d'Alministraciones nun puede superar la cifra de 592.962.542 € a lo llargo de cualquier periodu de trés exercicios fiscales.

**L'artículu nuevu 3. bis incluyú pol Reglamentu 2019/316 dexa que la cantidá máximu d'ayudes *de minimis* a una única empresa nel sector agrícola medre de 20.000 € a 25.000 € en trés exercicios si se cumplen unes condiciones determinaes**

El determín d'aumentar la cantidá va ser del propiu Estáu que concede l'ayuda. Esti determín tamién va suponer la medría de la cifra tope total d'ayudes acumulaes *de minimis* en toa España a la cifra de 711.555.050 €. Les condiciones van ser: a) «la cantidá

<sup>8</sup> Enllaz a la disposición: <https://eur-lex.europa.eu/legal-content/ES/ALL/?uri=CELEX:32013R1408>

<sup>9</sup> Definiciones de “tresformación y comercialización de productos agrícolas”: Reglamentu (UE) n.º 1407/2013 de la Comisión, de 18 d'avientu del 2013, tocante a l'aplicación de los artículos 107 y 108 del Tratáu de Funcionamientu de la Unión Europea a les ayudes *de minimis* (DOUE L 352, 24 d'avientu del 2013).

<sup>10</sup> La cantidá máximu d'ayudes nel sector agrícola medró de 15.000 € a 20.000 € pol Reglamentu 2019/316 de la Comisión, de 21 de febreru del 2019, pol que se modifica'l Reglamentu (UE) 1408/2013 tocante a l'aplicación de los artículos 107 y 108 del Tratáu de Funcionamientu de la Unión Europea a les ayudes *de minimis* nel sector agrícola. Disposición: <https://eur-lex.europa.eu/legal-content/es/TXT/?uri=CELEX:32019R0316>

total acumulada concedida d'ayudes que beneficien a un únicu sector de productos esclusivamente a lo llargo de cualquier periodu de trés exercicios fiscales nun va superar el tope sectorial de 355.777.525 € (art. 2, apartáu 4, del Reglamentu 2019/316)» y b) «va disponese d'un rexistru central nacional», casu de la Base de Datos Nacional de Subvenciones.

### 3. Reglamentu 717/2014 tocante a les ayudes *de minimis* nel sector de la pesca y l'acuicultura<sup>11</sup>

El Reglamentu d'ayudes *de minimis* nel sector de la pesca y l'acuicultura vuelve compartir munchos elementos colos Reglamentos 1407/2013 y 1408/2013; por eso, namás van destacase les cuestiones más importantes del mesmu.

#### a) Ámbitu d'aplicación

L'art. 1 del Reglamentu determina que va ser d'aplicación a les ayudes concedíes a les empreses del sector de la pesca y l'acuicultura. D'esa aplicación van escluyise, ente otres:

- «Les trés clases d'ayudes yá mentaes como escepción del Reglamentu 1408/2013, que tampoco nun van entrar n'ámbitu d'aplicación d'esti Reglamentu 717/2014.
- Les ayudes pa la compra de buques pesqueros.
- Les ayudes pa la modernización o sustitución de motores principales o auxiliares de los buques pesqueros.
- Les ayudes pa elementos qu'aumenten la capacidá de pescar o d'atopar pescáu d'un buque.
- Les ayudes pa la construcción o importación de buques pesqueros.
- Les ayudes pa la paralización temporal o definitiva de les actividaes pesqueres (sacante previsión del Reglamentu (UE) 508/2014)»

#### b) Les ayudes *de minimis* nel sector de la pesca y l'acuicultura

**Van ser ayudes *de minimis* nel sector de la pesca y acuicultura aquelles que'l so importe total a una única empresa nun supere los 30.000 € nun periodu de trés exercicios fiscales (arts. 3.2 del Reglamentu 717/2014)**

L'art. 3.3 del Reglamentu establez como tope máximu que la suma de les ayudes *de minimis* concedíes a empreses actives nesti sector en toa España pol conxuntu d'Alministraciones nun pue superar la cifra de 165.840.000 € a lo llargo de cualquier periodu de trés exercicios fiscales. El control del respetu a estos topes máximos d'ayudes *de minimis* nel sector pesqueru viose facilitáu cola creación del Rexistru español d'ayudes *de minimis* nel sector pesqueru<sup>12</sup>.

<sup>11</sup> Enllaz a la disposición: <https://eur-lex.europa.eu/legal-content/ES/TXT/?uri=CELEX%3A32014R0717>

<sup>12</sup> Real Decretu 1149/2011, de 29 de xunetu, pol que s'establez y regula'l rexistru español d'ayudes *de minimis* nel sector pesqueru. (BOE-A-2011-14783). Enllaz a la disposición: <https://boe.es/buscar/doc.php?id=BOE-A-2011-14783>. Enllaz al Rexistru: <https://servipes.magrama.es/REAMPesca/>

# GOBIERNO DEL PRINCIPÁU D'ASTURIAS

CONSEYERÍA DE PRESIDENCIA Y PARTICIPACIÓN CIUDADANA

N'Uviéu, a 17 d'abril del 2019.

Gonzalo Riesgo Fernández - Dirección

Pablo de Miguel Palacio – Elaboración

